

بالفيديو رائعة الشاعر عبد الله عاطف و انت مراتي



الجمعة 18 أبريل 2014 12:04 م

نافذة مصر

روحي وإنتى مراتى
ومفیش وقت اكتب طلباتى
إحنا نشرف ع المأذون
بعدين ندخل فى المضمون
انا عاقل يا بنت الناس
لكن فيه حاجات ومواقف
بتخلينى اقلب مجنون
رقص التصويت فى الانتخابات مستحملهوش
تنجذبى لواحد قلبوه نوال انا ما بطيقهوش
اطبخى انواع الاكل وعلى كيفك
لكن الكفتة اشوفك عملها ببقى يا ويلك
لو شفتى العررض على التلفزيون
اقفلنى على طول
مش ناقصة مصاريف وضرايب ورسوم
وناخذها متورجل على الاشغال علشان مصر
ونبطل نتكلم فى المحمول
وده طبعا صعب ومش معقول
نزول التحرير م الليلة اصبح ممنوع
احسنه يسموه ميدان التحريش
ويخلوله ف كل محافظة فروع
علشان المساطيل والجرايب واقعة من الجوع
انا مش هخرج عن موضوع وادخل موضوع

انتى مراتى تبقى حلالى
وكلامى لو بتحبنى هيكون مسموع
الفيس بوك وتويتر واليوتيوب
فيه سفالة وهرى ورغى وياما
حسنات بتضيع
لكن هشتاج انتخبوا العررض
ده مفيش مانع ندخله ونصيح
واهى حاجة الواحد يتنفس وينفس فيها علشان موجوع
انا مش هخرج عن موضوع وادخل موضوع

الست العاقلة اللى بتسمع وتقول حاضر وبصوت مسموع
وتسيب جوزها يفك ويهدى بعدها تتناقش فى الموضوع
وده مش معناه صوتها هيعلى بالعكس هتفضل تتناقش وتقول رأيها بهدوء وخشوع
انا مش هخرج عن موضوع وادخل موضوع

الست اللى تربى عيالها علشان يطلعوا طباط
لازم يطلعوا الفة وشاطرين
مش خمسين فى العية وفاشلين
بعدين لازم يتربوا ان هدفهم امن وخدمة كل الناس .. مايهمش مين
مش خدمة ريس وحكومته وكل نظامه ويقتلوا فى ولاد الناس المحترمين
يعتقلوم عاطل مع باطل ليه
ويهينوا ويضربوا ويذموا
ويربطوا فيهم ويغموا ده بتهمة ايه
رافضين الظلم والإستبداد
عايزين العدل بيجروا عليه
رافضين يقضوا حياتهم اسرى
مساجين للسمع والطاعة
ويلبوا للظالم طلبه بخضوع ودموع
انا مش هخرج عن موضوع ادخل موضوع
كترت مواضيعى وحواراتى
م. الاخر كده وبدون تطويل
روحى وانتى مراتى